

淵雅堂全集

淵雅堂編年詩藁卷一

長洲王芭孫念豐

辛卯

擬漢九曲歌

蟾蜍戀東烏戀西昨日之日成古時

擬魏武帝短歌行

來日大難去日如何左樽右缶如何不歌嗟乎長路誰
同我者萬里在前起秣我馬悠悠此身忽焉至今有嚶
其鳥尙集于林孰求友生匪德是慕關河縣邈聞之風
露時不我與庶幾能來借日未艾盤燭既灰悠悠我思

其孰知之登高獨嘯劍光離離星月古時山川老醜邛
山三尺英雄淵藪慨當以慷爾塗之長奔者河流阻者
太行

登宣城南樓

黯黯青山入倚樓騎鯨客去我來遊無人與說登臨意
鍊遂一聲江月秋

送遠二首

行李太匆匆尊前燭淚紅風霜千里道江海一孤蓬暮
色催人別離憂逼歲窮送回頻悵望傑閣倚長空

急雪竟終夕蕭蕭未肯停此時江上看應失數峯青貫

酒尋荒市抽帆問短亭客心知不定還復憶家庭

壬辰

燈夕微雨

歲事吾鄉好銀花照滿衢此燈知更甚此雨亦同無入市千頭橋當門兩樹榆音書斷羣從寂坐對紅鑪

遊鰲峰

討春恣幽尋凌高就森爽魚鼓聞無聲禪堂晝虛敞不知山風來但聞山葉響

登南樓作

高閣臨城下俯谿平看斗柄壓關低半天風露三更笛

滿地關河五夜雞小醜昔年遺徼外大軍昨日下午巴西
時方有金班超投筆心情在雄劍中宵嘯鷓鴣

癸巳

秋懷

一昨清霜點碧峰當空飛出玉芙蓉匣中古色十
劍燈下秋心半夜鐘地迴風雲盤鸛鶴江寒星月弄魚
龍欲從高處舒長嘯暫洗衡門滲落容

送弟

翼孫

赴山東二首

有序

時先大父自宣城病歸定居烏誰橋東之餘香閣
旋歿家大人方館萊州其年冬翼孫遂有是行

送爾青齊去臨風一浩歌飢寒爭志業少小閱江河孤
賤難爲好光陰莫浪過男兒有心事幾輩竟蹉跎
定省君驅馬衡茅我閉關堂前一尊酒足底萬重山意
氣文章外艱難去住閒看雲眠白日及早附書還

雜言七首

丹山鳳九子下上鳴歸昌翩翩在桑鳩將雛以翱翔美
人泰山陞欲往川塗長川塗詎云遠日暮河無梁登臺
一高眺齊魯空青蒼天風蕩然來關山變新霜肅肅感
行邁言念裘與裳安能凌紫氛鼓翼從飛揚

臨觴不能御素月皓如水眷言同生人瞻望隔千里昨

者遠人來開函得雙鯉謂言萊子國先秋朔風起嗟子
季行役勉旃篤行李飢寒奪親愛長大惜年紀可憐脊
令心縷縷在一紙上言加餐飯下言詳視履

吾生寡諧比抱書鮮學問與子結綢繆願言奉規訓如
何暫相諛背面生瑕釁謝君藥石心非躬實多疚君當
念溫柔吾當守冲遜隙末諒難安勸子以廉藺朗詠谷
風詩吁嗟勿復論臭味草木知檐梅破新韻

蘭缸耿虛壁貧女抽機絲爛然七襄錦厥篚登王墀上
焉爲衣被下者供彰施十日下一匹常恐秋風吹夜寒
剪刀涇龜手不敢遲手龜所不辭多恐非時宜時宜壓

金線貧女非所知

陸離佩長劍出匣快擊刺不用三韜之愁向牀頭置區
區蛟與蛇神鋒莫輕試需此會有時大易貴藏器人心
本夷然恩怨皆外至百感攫靈明客氣始用事庶幾具
鑪錘衾景默修治磨厲以廉隅鎔冶以仁智

正聲曰微茫說詩迷素絢矩侷誠弗良墨守詎云善言
者心之聲造端自謠諺本茲忠愛心所處無正變靈均
在成周還當雅材擅歡愉必難工後儒護偏見欣戚時
爲之豈其風格判諒哉敦厚規騷雅旨一貫

蘭蕙生中林離離被霜雪蒿蕭不擇處得地自森鬱從

來根性殊久甘榮悴別俗士愛高官達人貴奇節無憑
取兼營有勇事一決溫飽徒蚩蚩諒非意所屑好德禔
之躬五福已居一俯仰苟無慚吉祥萃虛室致遠未敢
言寧靜守吾拙

甲午

送陳韡菴先生

奎耀

赴宣城教諭四首

銅官西去路彎環滿載春風出故關到日門生三四百
一時齊拜絳紗間

制義宗風起積衰先人遺澤口成碑諸生更莫愁難繼
定有文章替左司

先大父在官三載
諸生尚有去思

宛陵自昔盛歌風，依舊梅家住水東。暇日蒐羅到文獻，

借鈔休忘聽山翁。

梅耦長庚遺集後人不能刊布予嘗見其手稿前有朱錫鬯題墨數行即

曝書亭集中題卷詩也

無數梅花繞學宮，至今清夢逐東風。

學舍梅樹最多

他年重訂

扁舟約遲我溪聲，山色中

南園春眺

行吟不知遠，落日步郊原。芳草碧雙屐，桃花紅一邨。古
牆空礙路，野店強名軒。尚欲尋僧去，前溪叩竹門。

買書

王生愛書如愛玉，盡日摩挲看不足。王生買書如買山，

倒囊不辦青銅錢宿逋未了益新債擁絮披吟亦差快
朝來暎雪哦殘編掉頭不問厨無烟浩歌微吟致纏綿
古人恍惚相後先九原忠佞趨吾前公然放筆作論斷
時與天地扶輿奧衍之氣相迴旋人言讀書蓋有命病
者有書讀不竟少年不學困蒙吝垂老讀之需眼鏡斯
言可供座右銘吾今不老亦不病生年二十居無儔出
亦愁入亦愁神仙天上烏可求高車大馬非長留不如
蒐遺訪闕便自一室羅九邱不如誅諛褒直自憑一氣
凌千秋此中汗漫亦抵娜嬛宛委世外逍遙遊遊心太
古思黃農遊藝遐追頡籀兼斯邕五三六經廿一史漁

獵恣肆無春冬學成豈無出山意所願持獻蓬萊宮許
身雖愚不自耻治效古在書生中讀書負國非英雄不
然著書以老一手窮力開鴻蒙藏之名山貽諸來者亦
足披豁萬古之心胷

乙未

有懷桐鄉孔秀才

昭華

憶昨宣州月南樓詠夜涼誰持今夕酒不斷昔年腸梅
雨深苔逕桐花響石牀美人何處所雲水遠相望

秋齋感興二首

涼風厲亭臯吹我梧桐枝援琴抱明月渺渺云誰思升

沈致難料修短未可期翩然青雲士悵望來何遲臨風
再三歎彈我相思辭辭長調亦古停絃更躑躅古調誠
自高所恐今非時今聲能移人所愧知音知

娟娟芙蓉花濯濯清江姿采之不堪贈露華盈手滋離
合亦定分所戀非恩私眷言名山業斯文待維持滔滔
東流水砥柱不可移孰將雄直氣扶輪起衰疲儒生世
有萬而我生斯時茫茫百年身了了千載期

吳錫康

晉元

屬題印譜

周璽秦符古官守東西漢以斗檢封瓦當文字間出土
亡慮陰凹陽凸與印爭重如球玕魏晉而還製私印其

製撥蠟雜用金鐵銀鏤銅其文大小繆篆參錯入蝌蚪
其紐龜蛇獅虎夔螭龍至今遺刻昧誰某眼肘斷蝕猶
復拙而巧奇而工一一駘宕而春容說文爲部五百有
四十說篆說印畫界如春冬吾思六書學要於金石微
信從士能書之弗能刻毛錐三寸嗤章縫試思古人佩
雜佩鱗遼有誚芄蘭童岫嶺之碑杳難問丕若周有歷
年臣籀石鼓歸峙羅罔離外此範金款識尙餘一二瑯
戈鉤帶尊彝敦卣區釜鍾韋續體分五十六未免龐雜
往往軼出難稽竊信知金石不擇字安有爲印爲篆彼
種種者門類分其中二徐塗胤許氏語挂漏錯雜無人

攻印文朱白固無定曲說簞鼓欺凡庸周官攻金攻玉
備六職移之於印曷異雕璋琮旣不擇字焉擇物鸞飄
鳳泊隨勢起落爲衡縱保氏六書意賅徹上溯宓義一
畫開鴻濛要得湯盤孔鼎本來肅穆精淳氣學者於印
尋印終愚蠢一自東京派歧出車渠琥珀若犀若象凡
可鐫削咸牢籠有唐此道頗不振白家詩裏但取耀手
丹砂紅會稽王冕最晚出創法自號煮石農沿元迄明
三百載中間能者大抵弄石幾欲鑿破萬朶青芙蓉當
時好醜自不一卓爾大雅未有其人逢宋則有若顏與
晁復齋印格白石印譜編重重元時風格渺不墜鷗波

翁繼吾邱翁史家漏略不收采志乘徧迫無全功

歷代經籍

志無印家

吾鄉文沈有代緒小願

顧苓云美

突出亦似靡靡行地

一洗凡馬空陽山

陳炳虎文

凌雪

徐夔龍友

後起競蒼秀袁顛蔣

桂

功努力僵汗思爭雄眼中惜無鏤冰手與論流別明初

終吳君吾臭味少小勤磨礪神清格老秀在骨依然肉

好彌覺姿丰穠求君刻印越三載逡巡不應如癡獃乃

今幡然爲我作作之不止不復思韜鋒一似佳人抱明

月含情掩映花惺忪翩何珊珊而至拂臣羅袖懷春濃

我聞能事不受相促迫但遇識者施手百倍加玲瓏暇

持一卷出相示大者龍鸞宛轉細亦錯落爲魚蟲惜君

蹭蹬年四十石田耕老獲不豐祝君自信還自勉勿以
心孤藝絕潦倒之故乘疎慵此事有功藝苑不得以藝
視特欲證之經史謀之神鬼技進乎道乃克爲世宗匠
宗矧君兼治活人術吳近
爲醫岐黃運會正與玉券十華靈
書八會相涵融古稱黃神越章道家辟邪印攜之入山
尙足驚走山魃木客諸魔凶君能和合此二柄刀圭刀
筆到處皆神通會見疫妖癘厲逃雷避電迅掃隨秋風
我詩盤硬字崛強差喜創獲非雷同感君謬有不朽託
以君心印印我上下千秋衷

丙申

小樓坐雨四首

養花天氣雨絲絲
小閣焚香坐詠詩
簾外穿花雙燕子
春泥衝得墮花枝

橫塘昨夜上春潮
醞釀陰晴又幾朝
生怕杏花消息緩
不嫌終夕雨蕭寥

月昏雲薄夜窗虛
只有山梅伴索居
賦就春燈好誰賞
矮牋濃墨幾番書

玉房珠館思無聊
睡鴨熏鑪宿火燒
獨忍春寒遣長漏
漏聲聲換燭條條

崑山半菴園作

水部園林在佳名託賦傳偶來逢勝地恰趁放晴天小
榭飛紅雨平蕪剪綠煙玉山壇坫盛高詠想當年

春燕詞四首

尋泥無力受風斜兩起雙飛共蹴花少婦春來正愁思
莫教輕易入盧家

紗窗畫掩繡堂深絮語商量去住音梁稻不謀居不戀
紅絲猶繫去時心

漢廷舊恨試重論自是昭陽誤受恩底事謠言與分謫
可憐何意啄王孫

盼盼樓閑暗愴神蘼蕪山下又殘春紅襟不住烏衣巷

却伴孀雌獨守人

除夕

爆竹聲中蠟炬高華年如水只滔滔荒厨供薄還餘菜
小巷符鮮各換桃欲向神仙問丹訣尙儕弟子著青袍
貧家自覺生春早夢裏新花上彩毫

丁酉

月下志懷十二韻

孤館歇殘雨濃春似晚秋重簾篩月細疎樹織煙稠滅
燭追前事停琴感昔遊一時渾跌宕小坐輒勾留記得
循書檻周遭倚畫樓商量從筆硯調笑雜歌謳新莽勞

頻餉清詩或互酬雅懷原雪白勝聚倏風流藥訪三年
艾愁添五夜籌分攜禁善病多暇况端憂又喫桃花粥
相思杜若洲濡毫裁札去墨沼落紅浮

呂城夜泊

呂蒙曾結寨遺蹟志圖經斷磧聊成聚扁舟此暫停市
燈昏遠霧漁網挂疎星明日京江路羣山潑眼青

曉發

野店寒深不可眠僕夫催路五更前荒雞未叫燈如豆
牽馬出門星一天

龍潭道中

攬轡龍潭道秋風吹客裳野蹊分向背復磴迭陰陽
厓幾層巖溪流十里黃斬王酣戰處懷古意蒼涼

偶憶雲間舊游

有序

雲間余山園池之勝有王氏知止山莊數年前讀
書郡齋從宛平鍾勵暇先生數往遊焉今憶其處

因作一詩

曾記尋春伴謝公
余山雲鎖泖湖東
一帆濃雨破深碧
十里野風飛亂紅
登閣層巖銜遠樹
當庭雙蕊茁新叢
已丑曾見
並頭牡丹難忘
襟被樓頭夜
蘭氣蒸暄入夢中

夜坐憶敬亭書院因寄鍾獻南上舍

珠

敬亭講舍似湖莊曾共湖邊坐夜涼十頃碧波天欲瀉
一房紅藕夢俱香風勻竹影鋪平地月寫松枝上短牆
此夕相思斷消息將詩欲寄暮雲長

戊戌

山塘

七里山塘路終年見畫橈新花高出寺卧柳曲遮橋紅
袖當鑪坐青帘隔市挑春隄歸路晚何處尙吹簫

呈從叔父棣然

榮伯

門內知音有子期從來臣叔不曾癡事當盤錯常先任
文出艱難各自知互校新篇還似友每煩苦口合稱師

夜寒擁被松楸下記得楞伽對雪時
甲午營葬先大父
楞伽山中連遇大
雪惟叔始
終共之

寄仲弟壽州

看却春又晚流連惜景光新桐數圭白殘月一梳黃聞
汝能騎馬逢人賭射麀慚余溫卷卷終歲坐匡牀

餘香閣卽事

閒庭交衆綠小閣倚斜暉僻處一無擾物情相與依桐
花連雨落蝶子避煙飛數卷殘書在高歌足掩扉

滄浪亭晚步

園館參差帶野塘輕衫團扇步相將人非襍穢曾無暑

水號滄浪意自涼
煙柳絲長遮
蚱蜢露荷珠
落打鴛鴦
前遊彷彿秦淮上
更向橋闌倚夕陽

秋懷二首

一雨釀新涼
夢暑遽如客
虛館閒無營
心清衆聲集
暗盤試初啼
疎桐逗殘滴
濕螢難自明
良久出深碧
移鐙傷軒楹
散慮託簡籍
幽獨知夜長
漏壺沉幾刻
衾枕逼新寒
誰與其
良夕褰衣起
徘徊梅花落
遙籟臨風念
佳期渺焉河漢隔

河漢亘天長
帶我碧玉闌
白榆繚繞之
珠琲明闌干
女牛一相望
廣川失驚濶
在遠分日親
孤處足古懽
所惜

芙蓉花悴此夕露寒依稀玉女懸奩鏡光團圓逝將往
從之羊腸鬱千盤慎言保顏色鑿此雪肺肝因風送殷
勤努力還加餐

夢中得三四二語覺而足成之

夢裏翩來夢綠華曉鐘未打月先斜分飛不比鸞棲樹
雙宿渾如蜂抱花銀漢無波垂地角瑤池有路自天涯
朝雲寫恨憑誰寄便擬裁箋借彩霞

觀宋張文定公樂全堂玉印督學劉石菴先生所
藏出示命賦

玉印二寸強黃章間白質其形爲矩方其背作瓦凸斑

駁頗有紋精瑩故無匹繚繞古篆文森峭出健筆讀書
想其人矧迺覩其物依稀樂全堂眼中見突兀元祐熙
寧間朝廷重儒術惜哉治不光儒者任不一用人如奕
棋立議若膠瑟鄙夫幸瓦全達人虞玷闕張公龍鳳姿
高致厭簪笏堂成意渺然詩就東坡謁夙生種智深楞
伽印心密懷文誦詩書游藝工翰札懸想揮豪時或當
購書日此印鈐其閒欣賞憑識別人往物自留復從土
中出閱世六百年瞥過一烏疾猶以文字緣得登鑿家
室卽今伴衡文周旋近玉尺吾公命世英海岱照門闕
巍巍文正公未覺音徽沫位高身逾孤道直節難屈廻

翔廿餘年堅白罔磨涅惟公所樹立久矣樂全越餘興
寄臨池風雨入超忽跋此印泥紅剝藤光暎發還將好
古心涵養到恬逸無全自無虧意珠抱圓月

觀石菴先生所藏陽明山人銅印作歌

銅章扶寸紐歷龍朱文蒼勁氣渾融陽明先生古作者
新建僭爵膺褒封當年手握霹靂符千軍掃却心從容
寧藩就擒事不易上捷竟上中官功南贛撫臣印斗大
一笑擲去還山中頭銜竟署山人字至今心迹留枯銅
諦觀礪治不草草撥蠟爲范加鑿攻高陽許初篆其字
旁列款識書尤工世間榮辱那有據盛衰一往如飄風

侯伯大封賜鐵券瞥眼春雪同銷鎔區區餘物僅存此
土花繡蝕斑青紅忠魂道氣所憑託埋沒不下騰長虹
鬼神呵護三百載流傳又遇司農公我公作人有風味
嗜好殊俗爲儒宗銀黃入手不介意寶此獨若珪球攏
摩挲豈惟悅清燕拂拭正爾增虔恭心光萬古一頃刻
良知寒暖驗自躬世人但識宋五子拾宋糟粕講異同
宋儒堂與初未見叩槃捫籥隨羣矇神祖聖伏儒者賤
宋五子恨無終窮兼三不朽破空出天遣與世爲晨鐘
陽明不出道墜地坐令學究成冬烘陽明旣出道在世
如曉日挂樽桑東山人還山若無有始覺儒者真英雄

知公必有心印在鴻蒙一氣中流通直尋仙佛本來意
以證濂洛希微爽

己亥

自江陰至常熟舟中同張青城邦弼趙開仲基景

書常葵聯句

返役訂同游長洲張邦弼放遊快清眺吳江趙基開仲山水有因

緣長洲王芭孫念豐

唱酬雜調笑昭文景葵書常螺峯澹春煙邦弼鷺

渚點夕照基半塗時少休芭孫一節領諸妙葵古剎踏

雲尋邦弼殘鐘隔嵐報基幽房見花木芭孫禪牀隱深

奧葵風篔韻吹笙邦弼雪梨色環縞基但令帆腳停芭

孫必使屐齒到

莢

水宿亂霞中

邦弼

陡覺春寒峭

基朝

來雨散絲

芭孫

昔者風鳴竅

莢

逆流溯長隄

邦弼

振波

轉孤棹

基

趁程故遲遲

芭孫

得趣頗稍稍

莢

緩急自人

情邦弼

浪岩亦吾好

基

詩無陶謝工

芭孫

體欲孟韓蹈

莢

秋影樓話雨聞塔鈴聯句

風琴池上酌

張邦弼
青城

風鈴塔顛語颯沓下遙空

趙基
仲琿

琮散平楚聲隨急雨來

王芭孫
念豐

力與迴颺拒七寶振佛

環景莢
書常

寸鐵碎神杵續續馬走簷

邦弼

齒齒虎蹲敵鱗

顛鉢中籠

基

瓦窠松間鼠鳴鏹驟雲將

芭孫

鏘珮降天

女小大迭往來

蔡

贈荅互爾汝清冷滿山城

那弼

縹緲

入海嶼幻響匪夷思

基

流韻墮何許春水船行行

芭孫

秋影樓處處攜三子偕登

蔡

迺二月中呂尋山阻泥潦

那弼

假館嘯儔侶對影面浮屠

基

送響醒逆旅喧寂鎮

兩忘

芭孫

和雅豁萬緒詩鉢闌擊敲

那弼

茶鐺沸烹煮

參天籟人籟

基

辨一黍半黍音惟角徵多

芭孫

氣鬣絲

簧沮吾儕媿拘墟

蔡

先達邁遐舉東山賦歸來

秋影樓為故注

東山修撰

那弼

西笑謝延佇移家傍蘭若

基

跨衢築

花墅塔鈴在高樓

芭孫

索鈴渺清籟想見胷期超

怪手筆巨

那弼

蔡

奚

雨霽放舟出郭望虞山歸憩曹家亭子舟中聯句

四首

春半山城積雨多

邦弼

雨多山亦掃新蛾花前風暖三

篙漲

基

柳外煙輕一棹過中酒非癡翻作病

芭孫

醫詩

無術更添魔乍晴天色如招我

葵

乘興何妨借屐簑

邦

弼

城外青山山外城

基

嫩寒天氣恰清明未能免俗還添

累

邦弼

小住爲佳各泥情廢刹轉成沽酒市

芭孫

荒邨

也開賣錫聲浮嵐暖翠山房在

葵

花信依然報晚晴

基

尋芳隨意踏春泥

芭孫

一帶裙腰草色齊缺月橋分丁

字水 邦弼 隔煙邨叫午時雞雲容入畫增渲染 基 山勢
如屏待品題遙指盤螺通曲逕 葵 樵風落處有禪樓 芭
孫

名園惆悵閉芳塘

葵

竟爾敲扉客太狂扇障銀泥逢桂

子 邦弼

門橫金鎖護花王心無住處情偏豔

基

興到佳

時句亦香歸路未須愁月黑

芭孫

故人折簡約飛觴

是

飲言八臯 葵
雲齋中

茉莉花詞十首

藤格低纏綴柔纒便煩月姊送香來水晶簾外花如雪
此是江南六月梅

浸月樓臺澹一痕，依然小玉舊溫存。
夜闌未敢真真喚，恐有花田欲返魂。

蘭夜如年箭咽壺，風前銀蒜押流蘇。
美人貯向珊瑚枕，夜帳招涼別有珠。

釵梁貼燕鬢堆鴉，向夕房櫳卷碧紗。
花下自攜明鏡出，晚涼新浴薛瑤華。

櫻籃團雪罩輕綃，媚夜葳蕤殢我嬌。
記得年時桃葉渡，賣花聲和月中簫。

情味宵來若箇知，情情香欲沁青絲。
夢回鎖篋涼於水，碧玉搔頭半墮時。

扇掩輕紈截柄長雕磨瑤管作花房間
郎何似薔薇露
春筍纔舒一握香

雪乳牙雲月一奩點茶休下水晶鹽
湘瓷小滄清涼散
未許風塵熱客露

柑垂佛手藕抽荷共向銀屏伴玉娥
小簞踈簾剛證悟
眼前火宅曼陀羅

小名誰錫小南強絕愛瓊州別樣妝
也似玉奴貪入道
嫩黃帔子蹙金裳

丹陽道中觀田家車水與書常聯句

秋雲不生雨

王芭孫念豐

屏水憫竭歷廻環進關紐

景葵書常安

置務安帖巧窮攻木工

芭孫

拙謝抱甕客琢輪眦其圍

葵

轉軸肉厥節貫木中聯筋

芭孫

破版外輔頰齒列鋒

稜稜

葵

鱗披聲窸窸儼然蛻骨蛇

芭孫

撥爾縮蹄駛澀

則膏之脂

葵

堅或滕以鐵動靜旋相樞

芭孫

高下任所

振繩牽鼠腸拖

葵

溝豁兔口缺引流幹陰陽

芭孫

在山

倒順逆初疑吸川鯨

葵

繼若飲澗蜺爬沙打春潮

芭孫

卷瀑飛夏雪嘶削勢如繩

葵

波悍力與齧盤澗徑犖确

芭孫

嗜水意饜饜卑區一初枕

葵

峻步二三轍爲農實

艱辛

芭孫

雜踏苦顛撥架木手乍援

葵

踐杵踵垂裂首

常下乎尻

芭孫

肩乃竦於脊男女聲邪許

葵

衰樨形脆

純蒙莊誦機深

芑孫

大易惻井渫溥哉桔槔利

芑制器

緬先哲

芑孫

摺疊扇聯句

篷窗坐招涼

芑

手筴不盈掬製輕巧失古

芑孫

工省儉

從俗粵稽扇所叻

芑

殆由翬之屬沿漢始稱名

芑孫

迨

晉益著錄紈詠婕妤班

芑

羽揮丞相蜀璀璨耀五明

芑

孫

廉剡剡六角贈者仁風揚

芑

障或囂塵觸如月復如

葵

芑孫

有羅亦有縠朝端開雉尾

芑

方外坼龜殼書從

戢山王

芑孫

畫遍劍南陸要皆象團圍

芑

罔或殺邊幅

有明出市塵

芑孫

實始至海舶間聞捉賈胡

芑

僅將供

童僕謂之便面宜芑孫號以聚頭朔士夫稍招搖芑工

商競角逐文沈寄其長芑孫徐仰區厥族截將蠶繭紙

芑夾用魚鬚竹吹螺翠貼藩芑孫塗金黃插軸釘作蠲

眼睽芑頭學鰓頸縮胎輕泯參差芑孫骨立緊攢簇斷

如頰含牙芑森若脇附腹大而熬帆張芑孫小者蝶翅

蹙取攜不汝疵芑舒卷惟我欲快奪蕉雨涼芑孫清答

松濤謾暫紆襪襪勞芑爰染翰墨覆夏猶案之鼓芑孫

秋與蠶俱伏迄今異干手芑其妙同一轂飾觀取新鮮

芑孫匠巧避沓複象駝落夫齒芑檀栲斬諸木漿礪潔

白呈芑孫邊緣硬黃朴丹砂繫裙膏芑銀泥貯奩盞綬

之以緋紅芭孫墜之以結綠叵蒙重錦裘裝囊垂錯繡

纒體物句分明芭孫聯吟聲斷續難得清詩清裝奈此

酷暑酷江豚欲吹浪芭孫長風掃煩溽裝

崑山試歸二首

翠袖天寒不奈何秋深茅屋自牽蘿費他謠詠知多少
偏替嬋娟掃黛蛾

放狂自種來因病動悔難尋過去蹤有味伊川三不幸
月斜樓上五更鐘

石荄先生課書齋八詠

案上留青玉山頭割紫雲千金知有璧萬石例稱君畫

井須勤穡爲田合藝芸但堅穿鐵志磨盾豈殊勲

硯

就邑封宜管聞名族是毛久當脫穎見還念盡心勞不

憚千軍掃寧懷一擲豪中書應未老朶殿好簪毫

筆

編定何須簡詩成不削筒殷勤千載業零落數番功雪

妬桑皮白霜留柿葉紅胥鈔添罪過弔爾剡溪東

紙

視北寧無客山陰記有池此中知白者時復澹相思烏

玦磨難得元霜搗不辭削鬣嗟歲月點染愧新詩

墨

紙閣風簾下銅壺水箭深分來仙客照坐見古人心燭

有連盤賦檠餘倚壁吟金蓮榮遇在天上自森沈

燈

破屋烟初上空山雨乍收一旗春霧足半榻午風柔炭

火松留液鑪聲竹助秋冰甌堪滌筆茶譜約同修

茶

門掩新寒夜簾閒積潤朝製分鳧鴨舊斑驗鷓鴣嬌几

靜瓦盆古燈深玉篆銷香尋墳典外一瓣與誰燒

鑪

一握清商發披襟向竹樓風霜原自挾懷袖不禁秋雪
版憑揮手冰紈悵聚頭誰能還捉塵咳唾示風流

扇

石菴先生課白桃花

曾向圓蒲拜律師塵緣銷盡見天姿卻從杏子春深後
修到梅花月上時洞口乍來雲沒路觀中重過鬢添絲
東風作意吹成雪露井新紅又滿枝

湖雅堂編年詩彙卷一

淵雅堂編年詩藁卷二

長洲王芑孫念豐

庚子

敬讀

聖諭釐正文體欣悚奮勉摠誠恭紀五言古詩一首
日星經九閭燦燦羅璿珠江湖絡大地蟠蟠麗瓊都懿
惟天地人造此文明區文者道所載我

皇執其樞叩鳴無小大方言析精麤惟言亦心聲中外
曾何殊迺因闡繙譯黃紙宣丹除堂楣揭

大訓書用金泥塗儀型示前修反復何紆餘使臣謹弼

教誕告諸生儒粵稽立言祖六經肇權輿先秦及兩漢
樸茂辭不蕪六朝近俳優隸事矜畋漁鮮新弄蘭茗香
軟不可扶李唐尙時體危花凍枯株孤鶩得韓愈奮起
追古初作者六七人繼出攀襟裾文何古今判要與風
骨俱矧夫四子書研求自程朱自非醇乎醇曷免觚不
觚緬宋熙寧間經義始甲苧新政一無可法良此難誣
試言用先資削墨懷般輪有明一代士得失窮鎔銖時
則先臣鑿甘苦首戒塗化治迄啟禎能者繁有徒或幽
含風蘭或妍初日藁或峰拔地奇或槎架險枯或鯨震
鱗甲或虎雄牙鬚或古敦卣鐘或貴璠璣瑜中若歸有

光妾庸笑拘迂泊乎宦藁成脫手風霆驅後來孰騰出
淳耀天馬駒異曲仍同工夏璉並商瑚上下三百年二
子足概諸恭惟我

國家觀文化涵濡曰清真雅正精勤迪

前謨教思容无疆推暨薄海孚爰頒

欽定文如射節騶虞謂宜盤盂銘否卽几案書如何罔
聞知獻玉雜珷砮公然互剽竊仰塵哂與吁昨有限字
令嚴謹刪浮膚今茲異命申引置莊嶽衢歸黃特發几
舉一該三隅持衡秉圭臬務嚴非種鋤南邦諸小子敬
聽敢戲渝自今別淄澠皎若鵠與鳧自今勤溉灌養若

櫝與梧庶尋菽粟味勿飲官家廚庶奔騏驥塵勿守伏
檻鴛寧爲香草拾勿爲已陳芻寧爲空谷寒勿爲倚門
妹朗然明水薦勿貪入市沽淵然大鏞鳴勿妄挾莛拊
如金之受鎔

帝用收鴻鑑如同之合珞

帝實握大符卽此先民程抑見良士瞿矧夫桑梓恭壤
地連三吳崑山春截業嶠城鬱盤紆興言先後進彌懾
大小巫豈忘膏馥句肯令行步懦鏘鏘金閨彥清廟明
堂需他時黼黻才早覘厥所趨小臣跪百讀僊伏汗浹
軀家門邁先躅國典懸闕模縱甘自菲薄焉避弗率誅

十年抱微尚萬本徒揣摹慚惶增疚負快覩交欣愉一
爲巴人獻小言臣愚願言遵坦道庶幾奉

皇圖

迎

鑾恭獻詩冊

謹序

皇上御極之四十有五年泰階平休符萃天地中間莫
不順序巍巍肅肅上儀斯作惟茲江南浙江欽承
聖祖仁皇帝丕謨河防海防粵有成勞我

皇上無逸作所繼循隆軌前此

省方四莅勲兼乎在昔事勤乎三五入疆行慶闡澤覃

施凡諸異數炳載盛典父老子弟衍樂歌歛以休
以息思得再覲

雲日之容下展芹曝之悃又十五年於茲矣

皇上凝神穆清丕冒無外眷焉東南人不與吏民相見

會兩省督

臣

酌民言入告廼

詔南巡春王正月諏吉啟

鑿鋪鴻藻信景鑠屬車九九甘雨偕來中外引企懽聲
雷動

臣

草茅下士躬際

昌期不揣樛昧竊附陳詩之義宣揚懿休謹拜手稽首
獻柏梁體詩一章凡千四百言課轅缶之末音塵

日月之廣照誠惶誠恐無任隕越其辭曰

皇帝御寓時純熙擴億萬世丕丕基握乾綱而冒坤維
四十五載德教彌化成道久治益治甄虞陶夏籠軒羲
懿哉萬古之昌期觀民展義禮則宜

南巡鉅典

仁皇詒粵稽巡方始具茨游河刻玉傳有之望岳輯瑞
稱有媯自時厥後代可推省方繫易般繫詩矧我
大清德倍蓰歲紀上章貞攝提

皇帝詔從吏民思法

皇祖制揚蒼旗朔十二日躔厥背淑擇表上靈臺司辰

夏日吉

帝曰咨布告中外咸聞知鸞書飛下九級墀卿雲紉纓
呈祥曦輝輝華蓋騰光奇鉤陳珠燦南暎箕陳詩於禮
無崇庫小大稽首丹忱摛欽惟我

朝介景禧肇祥朱果膺靈祐天造元會恢鴻規

聖聖繼述謨承丕我

皇顯緒翼翼仔於緝熙敬宥密持惟

天惟

祖

宗是師牖民設教如墳篚誕敷

文命示訓彝春風殿閣濡諭麋萬象躍赴

天筆搗文淵三閣巍丹楹館臣四庫嚴等衰琅函寶笈
分訂釐闡幽削僭祛滌詖汗流籍湜清純疵仰待天鑰
開屢屢進呈

行幄馳黃馭書郵羅布星與棊敦崇儒術到治禪特科
材選收桐椅藹藹吉士才鼎鼐載揚我

武威赫戲二萬餘里隨鞭笞銘功絕域穹豐碑煌煌明
堂位有差門外坐八蠻九夷職貢不數因桓皮伊犁回
部咸耘籽金川蕩掃閩屯畷同我太平安且悞西方有
人瓔珞灑驚嶽鹿苑通邈迤思仁慕義心歡惜山呼來

覲獻玉卮經馱白馬從文輶寶華湧現陀羅尼文揆武
奮

帝受釐

帝惟威威而祇祇覽奏乙夜勤然脂承流將相臯若夔
小廉大法相切劘稱職者陟否者褫太和翔洽休嘉施
屢豐祥告禾生秣清廟朱瑟歌噫嘻偏災偶爾非傷瘼
賑恤萬萬金錢齎薄海內外懷恩慈存神過化洪鑪錘
府開承德昌蕃滋橫經漸見尊臯比木蘭歲彌文囿麋
先勞

親御天閑騎八旗子弟雄如貔節以肆夏趨采齊欽哉

祖武懷繩其

橋山展敬陳六齋

賦成巨麗詳豐岐休徵長丈生靈著陋彼寶鼎齋房芝
敷天衷對樂養頤望幸尤切東南陲

帝庸眷顧滂恩施

省方四御黃金羈

深仁厚澤及幼耆溯惟乙酉迨今茲天星迴周十五朞
小民作息安東菑有粟盈缶酒溢甌冬寒有裘夏有絺
牛羊在澤雞在時和甘飲食雨露醴望

翠華幸旦夕斲芹曝抱悃忘嫉癡走告大吏陳其辭吏

封章入函囑匝

帝曰俞哉章手披陶莊引河勢
袞透清黃交會流委蛇
朕答

天貺敢自隳揚州託業憑鋤犁
方春東作親鎡鋸豈惟
閭閻佇雲麾朕實廩此氓蚩蚩
凡諸供帳無侈靡三十
萬帑斥度支無俾民吏輸銖鎰
截漕以裕民食資千艘
聚米如京坻厥賦正供吏勿追
湛恩汪濊霑無遺

皇帝重念春穀祈吉辛大禮脩

壇墼多稌多黍多秬秠嘉薦芳
矣羞明粢越三日乃鐸
鳴轍是日晴闕暉晨熹聞闔天
半開金鋌千官景從聯

纓綏爰敕鹵簿排九旭珠旂鳳蓋何琴麗駕龍十二驂
六螭騎騏駼駱駝騷鉞釘鉞鉞鏃鏃旌旗旌旌旌
旌旌金鍔葩瑤駢駢駢捧塗清道來蒼祇福星照輦光
陸離蘆溝月曉流春漸瑞雪送喜飄輕颺紫泉卸砌叢
芳薜園開紅杏含微霽恩泉含澤波瀾瀾日觀呈瑞朝
瞰隴萬松松濤謾山岫江南雜樹飛黃鸝花園花放搖
新姿海棠水驛漾綠苔金焦臺殿蠹繡栢雙龍夾渡鱗
之而聽松寄暢交翠思竹鑪初茗浮花瓷鳳船南下引
綵纒姑胥百頃青琉璃金闈

行殿錯綺槐覽風茂對停雲輜朝天萬笏雄屨屨玉梅

西磧繁干枝獅林奇石蹲
猊獅山塘楊柳拖絲絲石湖
一鏡飛鷗鷁靈巖塔影倒入池
西湖綠淨波淪漪望恩
草木春葱蘢浙東翹企法仗移
吳趨俗尙醇不醕貢誠
愛戴

皇心怡鑿迴重荷弭翠蕤棲霞初地路
賊陝金陵秀擁
諸巒啤蜀岡花信遲醱醑南邦勝地春
猗猗天題銀榜
蛟龍昵恭惟我

皇福履綏卷阿泮奐昭無爲海塘鞏固
堅金隄河流九
曲通天臍庚辰終古安支祁闕武糾糾
羅熊羆逾格遷
擢無偏裨賈舶銜尾春颿歌藝香祝

聖忘旅羈，餘鸞莅止。膏澤隨百僚，侍輦集履綦。蒸入疆行，慶恩覃施。扶杖觀化來，壽眉捧賜粟。帛相邀，嬈秀鬢作頌。追奚斯，殿前給札濡毛錐。兆民飲酌衢，尊醢熙熙。皞皞皞如含飴，瞻雲就日羣趨。馳或舞於巷，歌於達頌我。

皇帝萬福禔

小臣

涵泳乎

聖涯掄揚

盛美心傾葵快覩

五巡之上儀光華，復旦化日遲自五。以至千萬期，金泥

玉檢鴻文垂

皇帝萬壽凝繁祺

二月二十二日射瀆迎

駕恭紀六韻

晴陌皆

恩地春流卽

御溝雲拏龍輔

駕風穩鳳銜舟銀棨交

黃幄金吾緩絳騶傳符朝七萃行漏晝三籌葵藿依光
切衡茅被化優輿歡臚八郡天路奉

宸遊

次日虎阜獻詩恭紀十八韻

水驛迎

芝蓋山塘聽玉珂乍經瞻

日馭重得飲

天和虎旅星函劍龍韜月就戈燭分仙照朗鑪引御香
多待詔丹霄近陳詩縹帙羅雅章周德業樂府漢聲歌
曉路停千騎晴巖湧一螺有才皆選士無地不卷阿教

養蒙

恩甚文章報國何微塵增岱華餘澤望江河臣豈東南

秀班隨甲乙科

進士舉人
同在列

姓名慚薦列

先經學臣選
進所作詩

容

色久蹉跎秋試慚闕棘春心付沚莪貢誠抒慕戴飲化

慶婆娑嘉納

綸言切傳呼守吏俄囊箱披煥爛闔闔啓巍峩沐澤承
甘雨流膏潤大波願言偕楫樸同蔭

萬年柯

三月二十六日

召試於鍾山書院恭紀四首

橫舍儲才地

巡方策士年鴻詞科乙丙鸞掖職神仙薈集三都會

江蘇

安徽江西三省之士咸在

監臨八俊賢

監試王大臣凡八人

黃麻書粲爛題字

下

堯天

銀艾眞崔杜

睿爾睿親王拉額駙

珪桐必獻平

睿親王福貝勒

青衫天上

坐黃裙日邊明

御押縈雲密清詞灑雪呈鸚鵡諸校尉猶解羨書生

卿月蓬壺側

督學彭侍郎

宗潢花萼中案差堂上下

監試王大臣設

案南向學臣設案東北向

牀占解西東

諸生分坐兩楹

貢紙濡豪滑官廚給

饌豐千言慚倚馬亭午漏催銅

憲老由頤慶先天心法昭

命題關至道

賦題養老乞言論題先天學心法也

抒藻待公朝樞府操衡

鑑天垣建斗杓同時枚馬客刷翰望層霄

翌日進卷入二等

賜大緞二端赴朝陽門外謝

恩恭紀二首

江城晴旭麗三山曉仗從容綺陌閒

丹詔十行成虎榜青袍一例綴鸕班參差玉筍歸清選
燦爛文裙拜

聖顏

一等人員俱
蟒袍補褂

敢羨諸君奇遇好妄將凡骨叩仙關

向陽草木待栽培輦路依光只暫陪得雨未能離澗轍
引風略許望蓬萊傳將束帛煩中使

恩許承筐到秀才襪襪十年寒徹骨色絲珍重日邊來

江寧行館雜題八首

有序

提督李公當扈從至此假副將之廨以爲行館余
至先入居之訖事迺還中間有作概目之曰雜題
云

白門門外好康莊泥雨連朝惜錦障半路春陰開薄霽
一鞭晴色帶初陽圍屏畫戟將軍第孤劍殘書客子裝
到及海棠風信晚落花多處置吟床

虎踞龍蟠尙有關春風隨處得躋攀小園楊柳魚銜鑰
輕騎桃花獸齧環水上琴尊三月雨鏡中金翠六朝山
長橋昨夜匆匆甚未有新題著壁間

綠陰庭院曉光遲語燕催殘夢裏詩銀蒜押簾垂永日

玉簫傳盞記當時

副將邱公舊嘗招飲於是

瓶腰宿水傾懸膽花缺

春聲掛畫眉好是閉門人不到茶烟縷縷試槍旗

夙垢詩魔又病魔暫勞候吏借行窩座無惡客知風善
庭有餘花受月多野鳥也從春格磔好山彌覺夜嗟峨
流光荏苒今如許吟賞何辭藉綠莎

繡毬滿院月當空雲母窗櫺掩映中嘉樹正看珠絡索
清陰不隔玉玲瓏墻東歌席拋紅豆硯北吟池浸碧銅
劍佩軍衙雙侍史殷勤剪燭護熏籠

衿宮磨蝎分飄零卻許依光上將星穉麥分來仙饌美

餽餽捧出

御厨馨階前參佐豪豬履帳外賓僚孔雀翎塵土自憐
衫裏滿依然芳草如青

懷人天末雨初收殘夜披衣月墮樓悵望衡湘新大府

聞石庵先生

巡撫湖南 飛騰朔漠古通侯

奎公赴烏魯木齊都統

文章未足

酬殊賞觴詠何因得小留差勝杜陵歌憶弟士龍連夕

話綢繆

弟以燕借李公至此

玉堂天上夢依稀未必星辰應紫微五夜詩情蘭對發
三春心事絮交飛仲宣有筆差能賦方朔無官已慣飢
孤負羣公爭勸駕書生容易脫荷衣

協府雜詩三十首

有序

秋闈報罷揜得春初應

制金陵時所爲絕句

中多記事之篇亦有緣情之作語繁體雜無所名目以時方假館鞅韋之君子妄援夔府之例云是歲十月七日燈下錄藁書

鳳臺巒嶂坐中低

帳殿崔巍拂紫霓多少羣鶯爭出谷朝來先向日邊颺
長亭曲榭巧巒環點綴青疇綠野間只有麥花平一色
春晴送喜上

天顏

錦屏圍處竹爲籬
朶朶紅從燕剪移
頃刻花開股七七

好風扶起臥烟枝

一路點綴離落間
薔薇皆插生枝剪
綵花繫其上

星燦鉤陳燕子磯
禪關銀榜爛生輝
山嵐也借東風力

吹作祥雲傍

輦飛

短後行袍護馬裙
鞭聲爭路曙光分
旗亭柳下休軍將
邨店花中宿使君

青山一髮大江東
春草如袍點落紅
乍暖乍寒烟外路
傷春滋味馬蹄中

湖色虛涵水上亭
蛾眉淺鬪碧
渟渟長江萬里黃
流惡

流到青溪便解青

馬卿善病賦長楊消渴端由內熱腸列傳重攤三過讀
案頭山色對清涼

飛飛撻末不離羣會上留仙玉綫裙吾夢那如卿夢穩
碧桃花底月三分

春到佳時雨亦香惜花心事漏俱長殷勤侍史雙銀燭
爲我掀簾照海棠

清池寫月小於眉欲上花梢轉更遲昨夜夜深看不足
滿身風露立多時

想少難離有相天是誰銀甲撥湘絃曼聲更緩何妨緩

又被風吹墮碧烟

梨雲明白凍簷牙
暝寫然脂字
翫鴉新柳濛濛溪閣暗
絮如人意輒黏花

雨催紅雪糝春泥
襯我桃花削玉蹄
歸路生憎衫袖濕
過來風岸柳絲低

燕泥奪潤打牕紗
撩亂游絲罨畫叉
衙將似嫌春不去
平明催掃繡毬花

分明畫本翦宮綃
細膩春流漲昨宵
茶竈筆牀三數客
低篷撐雨綠楊橋

題徧無題五色牋
尋芳孤負杏花鞦
沉吟十六樓邊路

閣我春愁一抹煙

卷紋層雪摺銀光尺二朱絲界畫長
試墨自膽經進葉
午晴針露麝香香

溫卷清宵託一燈
鄒枚楊馬昔同稱
如何諫獵尋常事
不是相如使不能

棗餡三花出大官
雲腴分割聚香團
未題名識紅綾味
試席懷酥代曉餐

墨孕脂香和合工
金盞分汁硯池中
磨人錯被嬋娟笑
破費春腮幾暈紅

以刪脂磨墨能助黑諸君煎錫爲筒攜以入試亦承遺予一器故云

硯割洮河綠石鮮
鏤銀盒子符螺旋
案頭墨有方于魯

乞露花間仔細研

公子翩翩法從佳詩才天付寫風懷銷魂句子添新話

春殿朝回畫繡鞋

謂昭信相公
公子兩毓君

頂銜藍寶樣新鍍壓帽花翎衛霍儔却說秀才名色好
自嫌年少富平侯

桀黠橫行孰敢論平頭奴子黑崑崙禰衡不識將軍貴
醉後渾忘厮養尊

門內蒼頭誤一呼門前軍將韎韋趨自言三品官階貴
不抵君侯帳下奴

春歸消息雨聲中愁殺江南盛小叢作惡不緣連中酒

棟花風緊撼殘紅

柳絲吹盡又桐絲憑仗新聲破客眠水榭春寒偏積澗
銀箏寬却四條絃

鈞天夢裏聽箭韶剛遇罡風墮碧寥從此再從鄉貢舉
又教官燭費三條

江上芙蓉不怨秋美人遲暮自含羞叢殘賸稿重收拾
聊記嬉春爛漫遊

芷生新婚三首

謝莊風貌陸機年亦是休文亦下賢燒燭自填金縷曲
勝他博議驟成編

瑞玉雕磨供綠牕香幃還是讀書幃瓊思瑤想心心印

何不鴛鴦篆一雙

正生爲新婦琢印
名語瓊字瑞人

如年良夜尙遲遲略減些長祇一絲逗漏春前梅信早

紅羅斗帳玉雙枝

婚期在長
至後一月

辛丑

崑山寓齋賞雨分韻作

久矣雕蟲愧壯夫酒邊猶此共歌呼雨聲困客春匆促
花氣薰人夢有無三月韶光流水去十年心事曉燈孤
名場聚散如萍絮難得重逢舊顧廚

益蘭作花並蒂索諸君同賦禁以草木禽魚蟲豸

比切四首

湘瓷花影忽交加
片石疎叢養白沙
宵露並懸珠絡索
曉風孤挺玉椹叉
反騷一首聲相應
參佛雙心證不差
隨世偶然成眷屬
塵緣未了現曇華

一薰從古臭差池
堂下羅生喜並時
有味弟兄常對榻
無多朋舊最相思
原來賃廡還求偶
擬欲操琴更向誰
對影成三堪自賞
何煩甲子問雄雌

羶自傳家舊日青
花還祥瑞我伶丁
十年孤月棲空谷

一帳寒雲夢敬亭

征在宣城曾見此花先大父與同官倡和有詩今十年矣

可與攜

持休贈影素無同
異久忘形生香不斷
從人說未必孫

枝果寧馨

好余芳草有生平服媚難諧衆口羹國士嚮來愁獨立
美人何處下雙成仍聞后土花無種誤信湘江水自清
欲折瓊枝寄同調循陔重疊譜華笙

提督李公

奉堯

築樓署中題之曰得月樓書來索

詩二首

畫寮琴薦逼星河水閣新成坐雅歌廊有曼迴綠礙竹
闌須低亞恐遮荷多留空濶隨雲宿更遣孤高得月多
料得冰壺心事在胷中千頃接滄波

聞道登樓憶仲宣緘詩紅鯉夢游先鏡中臺榭三秋雪

沙牙生卷全言
畫裏峰巒九點烟涼護紗幮開燕寢香霏銀管擘魚牋
何當蘭路陪飛蓋重與抽豪似昔年

偶得鮮荔支以餉張景謀詩景謀以登薦後時貽

詩責和次韻

餉荔荔味壞貽詩詩味滋荔支不十顆易此珊瑚枝挑
鐙諷苦語暑夕風簾披似言標梅嫁孤負絕世姿從來
絕世姿瞥眼風花隨先春怪雨作隔歲繁霜欺自閩登
海舶輾轉供土宜帥府荆渾多此物口不怡往往爛罌
盎所怨豈後時分嘗到書生已若瓜苦堆因其來絕遠
餉我平生私味去獨名存名若畫餅爲嗟乎此誰咎荔

病荔知之循名竟虛妄責實非噴癡士有遭不遭曩賢
積然疑屋背天風號和此三歎詩

是夕大風雨拔木飄瓦不成寐曉起再用前韻

終風攪夕寐曉起屋漏滋大聲下高梧斷此棲鳳枝想
見楓亭園輕紅慘離披乃知後時薦未負玉雪姿彼其
在樹者亦已墮落隨揚州種宜稻風信防忒欺今當稻
華初摧折豈所宜秋收定歉薄三農少歡怡後時奚足
怨尙有不及時兼聞海潮上木縣濕成堆書生罔事事
猶較口腹私飄師弄天倪凍雨撒手爲豐隆困久旱忽
起左右之坐看牀牀漏塊獨如蠅癡長謠洗兵馬腥臊

滌無疑

王師下洮湟慨彼濛雨詩

時方勦賊
拉爾逆回

病中作三首

燭暗虛廳鶴啄屏
華年絃柱思依微
秋牀風雨相如病
零落天邊舊賜衣

秋添骨傲總支離
粉蝕香殘豔體詩
又是一年風物過
看花孤負最紅枝

三珠無樹著棲鸞
冰簟銀牀儘受寒
依舊夢爲花下蝶
一雙飛上玉闌干

盆梅始華殘菊未剪
宴坐得句

柴桑無恙致悠然驛路相思信隔年
葉響鏡昏窗墮月
香疎茶熟塢通煙秋深簾閣初寒
夜春護薰鑪小雪前
別有廣平心事在賦情蕭瑟意纏綿

冬至設祭亡婦作

迅川無淹流一瞑就大期可憐此時夜
帷堂燭雙枝平生誤意氣離離卑妻兒
吁嗟薄倖名我固安得辭良時
憎燕昵已死廼歎之吾強汝善病汝病
不早治汝亡吾亦病牀席久支離寒溫孰
相詔肥瘦罔自知傷心棄文字會無述
哀詩霜露日以繁及此晚暮時憑筵更酌
地酸薄酒一卮生時尙不飲澆奠空爾爲
三年結髮人倫

理俯仰乖役役從試場棄汝猶孤雌科名若彈丸脫手
不可持賤貧天所命徒悔羞屢屢謂當夢中來邈漠空
追維茫茫百年身分憂更伊誰長宵楫柚燼荒雞知我
悲